

Kayëte mba Pol nte kerëhnëka Filemon Wade yehëhna kayëte Pol

Afayik Pol herëhnëka Filemon inji kayëte mpëd wati nte nkeho hnë kaso mbë Sesare (yëbëlan bëhn wafëhw imbëd gë warar gë bëhn wafëhw imbëd g'imbëd gë warar (53 gë 58) ga ndëcëk hnagi Yesu ÿa) ma hnë kaso mbë Rom (yëbëlan bëhn wafëhw imbëd gë ryaŵ gë bëhn wafëhw imbëd gë ryaŵ gë wahi (60 gë 62) ga ndëcëk hnagi Yesu ÿa). Filemon ahnë afërën yeho Kolos hna, do vële hwëtahnëk va mbarëpëlëdëniho ÿalu hna (yëb 2). Kwëhnakëhniwo vëramp, had gante nkeho vankeya vantëŵ hni kobëri ka, do aryampo ÿa Onesim maciko.

Onesim nkaryëkawo ale hwëhnëkawo ÿa (do mpëd ntenëhnëkawo fëna, yëkëryin yëb 8) do ga mbiÿëk pankëlëni gë Pol kaso hna. Kwëtahnëlehn Wanës Wakasëk do ndokuñëhnënda Pol. Pol ñahnëkawo dus bare cañahnelahna kwëtahna, kabi gante nke sarya ka, Filemon hwëhnëka.

Atac umë mbokënanëka Filemon g'inji kayëte, gë Tisik fëna ale yiryëryëd kayëte ñi gë Kolos, do atëyëka Filemon tebahna had aÿëntaŵ hnë Këris hna. Age gena umë kokënd njëdahna uhorot sankaf kabi nkaryëka ale hwëhnëka ÿa. Pol wajira fo nësëhnëdëha Filemon, hara porosiñëlahna ñoñ, bare akamënaÿëhnëdëha

Filemon maŵa Onesim g'ijahn, umë ntehnëka kwët wac lëŵu hna age Onesim nkonëhnahnëka iñë cosëdëha, tac ndënkwëtehnata Filemon nkonëhnahnëka Pol uwám lëŵu ŵa, umë ale yëdaka Wanës Wëkasëk ña.

Wëlin wanës wakwëhn nafa hn'iji kayëte: Këris, Onesim, aÿënta, Ahwëhn, wanës, ijahn.

Wëlin gante nke kayëte ka:

Simpaÿi 1-3

Pol kerëhnëka Filemon 4-7

Uryëy Pol soñe Onesim 8-21

Simpaÿi rëkwa 22-25.

Pol kerëhnëka Filemon

¹ Ami Pol herëhnëdëhi wëjë Filemon. Cëdibu kabi doku Yesu Këris lidëfu. Gë aÿënta fu Timote nkefun. Nkaÿëderu wëjë, lawo fu aÿahnik do aryokëñental fu, ² gë aÿënta fu, asëval ale ŵacik Apiya, gë Arësip arëfëlënta fu wët hna, do gë cery sali nte varëpëlëd hnë tere hu hna. ³ Arabi Wënu ña, Rëm fu ÿa g'Ahwëhn a Yesu Këris ndëwanihu do njëdënihu yam ÿa!

⁴ Age nahami, Filemon, wayëfa mën hna, camehnëdëfuha kwëlëkwël Wën mën ña, ⁵ kabi nkwëryëdëfu ga nësëde soñe ijahn hu ña do soñe ikwëtahn nte hwëhnaru paß gë Ahwëhn Yesu do paß gë fop vëfacah. ⁶ Njëfadëfuha Wënu ña nti ikwëtahn hu, nte vankëntiru gë fuhnë ña, kwëhna vantëwel vapërën d'anko ayëtëntahni viÿë vifërën vile hwëhnayinëk hnë uwám fu hna gë Këris. ⁷ Aÿënta mën, ijahn hu ña njëdako uhnatah yabah do kamënaÿehn, kabi mbosëvosehnëru wasakahn vëfacah.

Uryëy Pol soŋe Onesim

⁸⁻⁹ Soŋe inahn tac, mama kwëhnahnëbu, hnë Këris, fop afaya lehni ile rëfëka ali, pecehnëko rëyi rac g'untënah. Had gante nkebu ki, ami Pol, acër, do kas gaki fëna asëdik kabi doku Yesu Këris lidëfu, ¹⁰ muntadëmi soŋe ajë mën, ale hnagëbu hnë kaso hna, Onesim*. ¹¹ Umë ale woko yohëna kobëri ŋa, njohalëkëfu gaki, wëjë g'ami.

¹² Mbokaryëryidëfuha, umë ale ye had ntaŋary mën dënk. ¹³ Ami, ñakëndëbu hwëtaŋa darël mën, soŋe ndemando gë wac hu hnë kaso hn'ile nkebu soŋe Wanës Wakasëk. ¹⁴ Bare ñoñ ñala liwu hara maŋëlihna, danko ufërën hu ŋa paß g'ami antë mëntël g'ile forosinjik, bare nke afaya fo. ¹⁵ Mpëd Onesim fëna gontilohna gë wëjë soŋe wati ryampo danko avësahnihna soŋe kantëm, ¹⁶ bokëdëliya avësayihna had aramp, bare pecehna aramp, had aÿënta aÿahnik. Aŋahnëbuha d'us, bare wëjë, tëfëka aÿahna ntëbi: aÿahna had ahnë do aÿahna had ale hwëtahnëka Këris!

¹⁷ Awa, age pëlaruho had aÿënta hu hn'ikwëtahn hna, kacaryehna had ami ye. ¹⁸ Do ge ntëntahnëki ma ge nkonëhnahnëki iñë, kwëtëry wac mën. ¹⁹ Ami, Pol, akerëbu gë vák mën dënk: ambësadëmi ami dënk; ñada ryënkwëntehni wëjë fëna nkonëhnahnëruho iñë do wëjë dënk ye iñë rac! ²⁰ Ha, aÿënta mën, dinëhnërye iÿin hnë Ahwëhn hna; bosëvosehnëry ntaŋary mën hnë ibëmënkël

* **1:10** 1.10 Onesim fëhnëtanëk «ayohah».

fu gë Këris! ²¹ Apacahnëko ntidu ile rëyëmi ÿa hnë ini kayëte, anjëtëbu ntidu ntëbi rac.

²² Gë waji, pëhwëtanëhnërye ÿëwa, kabi tamabu, soje wayëfa hun wã, mbësahnëdëbu.

²³ Epafëras, ale sëdëlahnibun soje doku Yesu Këris ÿa, nkaÿëki. ²⁴ Marëk, Arisëtarëk, Demas do Lik, vëryokuñëntal mën fëna, nkaÿënihi.

²⁵ Arabi Ahwëhn fu ÿa Yesu Këris ndëwawu.

**Vikerëh Vikasëk Wën gë Wapëgwala
Wamey: Vikerëh Vikasëk Wën gë Wapëgwala (New
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022
f961026b-f72f-5bd7-9f75-efa7f932577e